



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ioannis Evsebii Nierembergii Madritensis Ex Societate  
Iesv De Adoratione In Spiriv Et Veritate Libri Qvatvor**

**Nieremberg, Juan Eusebio**

**Antverpiæ, 1631**

Cap. II. De veritate spiritus.

[urn:nbn:de:hbz:466:1-46187](#)

S 10. EVSEBII NIEREMBERGII  
perfecto spiritu cordis , & intelligas quid lo-  
quatur veritas , ne sit in spiritu tuo dolus : sed  
potius veritatem facientes in charitate , cre-  
scamus in Christo per omnia.

C A P V T I I .

*De Veritate spiritus.*

**N**E putes ex consortio veritatis vitam spi-  
ritus tetricam & acerbam esse : nam ca-  
lumnia est , veritatem amaram dici. Non est  
timenda ob nomen solum ; iucundissima res ,  
veritas spiritus. Ne dicas : Si veritas exteriū  
audita amara habetur , quām peracerba erit  
interiū percepta , & intima nobis ? Si ab aliis  
dicta molestat ; quid à nobis facta , & in nobis  
perfecta ? si auditui ingrata est , quid fiet con-  
scientiæ , cordi , & toti vitæ ? Nam non est  
mellis vitium , si amarè sapiat palato corru-  
pto. Terram ipsam , cùm solide consistat ,  
circum moueri iudicat , qui vertigine laborat.  
Vitiis nostris credimus peccare cetera ; & hu-  
manum morbum imputamus culpam diu-  
nis etiam rebus. Innocens veritas est , dulcis ,  
placens , nisi solū carnalibus displicens , &  
iis qui displicant Deo. Idem purpuræ regius  
color mulcet homines , sed tauros offendit ,  
atque exacerbat : eos qui intelligunt , delectat  
hæc purpura Dei veritas , hoc decus sancti-  
moniæ;

DE ADOR. IN SPIRITV ET VER. LIB.I. 9  
moniæ ; parum refert , si offendat eos , qui a-  
nimâ & mente sunt inanes & indigni : imò  
eo ipso magis digna ipsa est & commenda-  
bilis.

Pulcherrimum quid atque diuinum est ve-  
ritati , esse horridam malis : causam odij con-  
sidera , & videbis quām sit amabilis per se.  
Austera videtur hominibus veritas super om-  
nia aduersa & molesta ; quia singulæ aduersi-  
tates singulas oppugnant , aut aliquas volu-  
ptates : at veritas omnes simul , & cuncta vi-  
tia. Ideò supra omnia iudicant illam grauem;  
ideò nihil magis libenter quām veritatem  
stringunt aduersus inimicos ad vlciscendum  
se , nec ullum damnum virulentiore corde  
immittunt : quia quod malum sibi quisque  
maximè formidat , id optat inimico cùm ira-  
scitur ; & quoniam putet sibi fore maximum  
malum veritatem , vt spicula venenata con-  
torquet veritates in inimicum obiiciendo , &  
admonendo illum id ipsum quod est. At  
tantæ offensionis causa , amore & pretium  
veritatis commendat ; omni amore digna est,  
quæ vitia omnia deginatur & impugnat. Si  
vnica potio omnes morbos tibi curaret , mi-  
nimè contemneres , quamuis te acerbaret;  
imò nihil aliud maiori in pretio haberet : ita  
veritas vel isto solo titulo per se est amanda  
& adoranda , etiam cruci affixa , sine decore,

non

A s fine

sine vultu. At illa honesta est specie , & iucunda sapore; non deformis , sed Deiformis: non est insipida , sed Dei sapientia : vox veritatis dulcis , & facies sua decora. Deum pro condimento habet , non potest esse insulsa, aut fellea, aut corrupta. Quæ Deum beatum facit, non debet tibi censeri molesta; nec potest facere te miserum. Quid dicam ? Deus Veritas est ; ánne Deus erit tibi amerior felle, aut non pulchrior luce ? Age , aude respicere veritatem , aude amare , aude te committere & confidere illi. Hic præcipuus spiritualis vitæ canon est : sicut carnales nihil magis in odio habent, quām veritatē ; sic qui per viam spiritus incedunt, nihil magis in voto & pretio habeant. Quid magis gratum & necessarium sagittario, quām oculi ? ita hominem rationis compotem nihil optatius oportet habere , quām veritatem. Sagittarius & animalia, quæ vsui plurimūm sunt , erutis oculis inutilia redundunt : sic tota vita nostra absque veritate redditur infrugifera . Nullus sensus magis iucundus , quām visus : reliquas animi dotes excedit veritas ; quæ non minūs placeat fulgens , quām æstimetur pungens.

Igitur à veritatis iustâ opinione incipiamus excludere mendacia, reputantes nihil vtilius, nihil suauius , nihil præstantius , quām veritatem spiritus sinceram. Plerique quia hoc non

non satis credunt, permittunt sibi aliquam interdum indulgentiam naturæ & amoris proprij, & inclinationis carnis, quamvis in rebus leuibus, commiscentes subtilissimâ dissimulatione & fraude sui solatia aliena, ut emoliant austерitatem, quam in spiritu timent & suspicantur: & non satis fidentes illi, & Deo, adhuc reseruant aliqua pignora, carnis & voluntatis, quibus nolunt expoliari, ut illuc se recipiant facile, non ausi omnimodo repudio sui tradere se penitus Deo & spiritui nudos, quasi in penetralibus & interiori eius esset aliqua amaritudo. Hi se fallunt: nam non est hic spiritus veritatis. Res simplicissima & perspicua est spiritus: quare non erit verus & genuinus, qui ita permixtus & confusus est. Hæc duo sunt, caro & spiritus, & nequeunt in vnam rem simplicem coalescere. Adèò simplex & pura debet esse veritas spiritus, ut non satis sit cuncta carnis mendacia, omnes leges mundi, quantas cumque insinuationes amoris tui horrere & formidare; sed etiam opus est, te orbare animâ ipsâ tuâ, & quauis eius voluntate & delectatione creatâ, etiam intellectuali & licitâ, ut solum Deum quæras & habeas.

Altius quid est spiritus quàm anima, intellectus, & natura. Audi IESVM tuum dicentem: *Spiritus est Deus: & eos, qui adorant eum, Ioan. 4.*

in

*in spiritu & veritate oportet adorare.* Quare  
 vt adores veraciter, & seruias perfectè Deo in  
 spiritu vero, oportet vt transcendas te, & om-  
 nem creaturam, & affectionem creatam ; &  
 anheles & ames solam diuinam veritatem, &  
 quasi profecturus statim de hoc mundo, om-  
 nibus creaturis, & tibi ipſi valedicas : adhæ-  
 rens per charitatem puram Domino vnuſ  
 ſpiritus (vt dicit S. Paulus) factus cum Deo  
 vno, qui veritas ipſa eſt. Reuelle te à te ipſo,  
 vt cum Deo inſeraris : diuide te à te ipſo, vt  
 cum Creatore tuo vniariſ : refige te à teipſo,  
 vt in cruce cum IESV figariſ : extirpa te à te  
 pefſimo, vt in omni bono radiceris. Fuge na-  
 turam tuam ; in Deo inuenies asylum tui:  
 abſque diſſimulatione te perde, & lucraberis  
 te verè.

## C A P V T III.

*De Puritate ſpiritus.*

**N**E in aliquo recenseas te bestiarum &  
 iumentorum grege, qui cum Deo vnuſ  
 ſpiritus potes eſſe, ô coheres Christi : in nullo  
 congaudeas de societate pecorum. Omnes  
 carnis & naturæ delectationes contemnas,  
 nullatenus aliquā reſeruatā & permittā : vna  
 ſola ſaporem veritatis vitiabit ; vna veritatem  
 ſpiritus offuscabit. Paruis rebus ſæpè maxima  
 cedunt: